



**Broj: T01 0 KT 0047662 25**

Dana: 12.11.2025. godine

SK/AH

**OPĆINSKOM SUDU U BIHAĆU**

-Sudiji za prethodno saslušanje-

Na osnovu odredbe iz člana 45 stav 2 tačka i) i člana 241 stav 1 Zakona o krivičnom postupku Federacije BiH, podižem:

**OPTUŽNICU**

**PROTIV:**

**SANELA IBRIŠIMOVIĆA**, sin Zlatana, rođen 30.3.1979. godine u Bihaću, stalno nastanjen u Midžić mahali broj 29, grad Bihać, JMBG 3003979110008, po nacionalnosti Bošnjak, državljanin BiH, pismen, sa završenom srednjom školom, po zanimanju elektro tehničar, nezaposlen, razveden, otac jednog djeteta, vojsku služio, vodi se u vojnoj evidenciji, sa činom desetara, bez odlikovanja, prema vlastitoj izjavi lošeg imovnog stanja, osuđivan:

- dana 20.3.2007. godine Općinski sud Bihać, član 286 stav 1 KZ F BiH na novčanu kaznu od 4000,00 KM, broj K-317/05, javio se na izdržavanje kazne zatvora od osam dana 28.9.2007. godine, kaznu izdržao dana 6.10.2007. godine,

-Dana 13.4.2007. godine Općinski sud Bihać, član 362 na pet mjeseci zatvora, uvjetno tri godine, broj K-17/07,

-Dana 20.9.2008. godine Općinski sud Bihać član 287 stav 1 tačka a) KZ F BiH na šest mjeseci zatvora, uvjetno jedna godina, broj 17 0 K 08 000265,

-Dana 4.6.2009. godine Općinski sud Bihać, član 359 stav 1 KZ F BiH, na kaznu zatvora od četiri mjeseca broj 17 0 K 0 005470 09 K, javio se na izdržavanje kazne zatvora 17.7.2009. godine, izdržao kaznu 18.11.2009. godine,

-dana 3.5.2017. godine Općinski sud Bihać član 173 stav 1 KZ F BiH, kažnjen na novčanu kaznu od 1000,00 KM, broj 17 0 K 081997 17 K, javio se u KPZ Bihać na izdržavanje kazne zatvora od 10 dana, kazna izdržana 22.10.2017. godine,

Dana 18.3.2020. godine Općinski sud Bihać, član 183 stav 1 KZ F BiH, osuđen na kaznu zatvora u trajanju od 6 mjeseci, uvjetno dvije godine, broj 17 0 K 097732 19 K.

**Što je:**

Dana 7.5.2025. godine, oko 20,00 sati na području grada Bihaća, tokom prevoza iz ulice Bihaćkih branilaca do kruga MUP-a Bihać, u službenom tmv vozilu marke Peugeot, registarskih oznaka O80-E-998, koje je u vlasništvu MUP USK Uprava policije, svjestan da svojim radnjama oštećuje tuđu stvar a što je i htio, zatvorenim pesnicama je udario unutrašnjost vozila uslijed čega je došlo do napuknuća lijeve i desne strane panela kao i oštećenja na spoju krova i frontalnog panela, čime je MUP USK Upravi policije pričinio štetu u iznosu od 2.023,82 KM,

**dakle**, oštetio tuđu stvar,

**čime je** počinio krivično djelo – Oštećenje tuđe stvari iz člana 293 stav 1 Krivičnog zakona Federacije BiH.

Radi toga stavljam

### **Prijedlog dokaza koje treba izvesti**

#### **1. Predlažem da se saslušaju:**

- Husein Midžić, sin Ibrahima, naselje Midžići bb, grad Bihać,
- Damir Ibukić, sin Ferida, naselje Pritoka bb, grad Bihać.

#### **2. Da se uzme na uvid i pročita:**

- Zapisnik o uviđaju broj 05-04/07-1-1-172/25/BA od 7.5.2025. godine, sačinjen od strane Prve policijske uprave, PS Bihać, Odsjek kriminalističke policije,
- Potvrda o registraciji broj AA 5391897,
- Polica osiguranja od automobilske odgovornosti broj 0876472,
- Fco Zapisnika o utvrđivanju oštećenja na motornom vozilu broj štete 006-10U-36-25-1,
- Fco Procjene popravke broj 006-10U-36 od 25.6.2025. godine,
- Izvod iz kaznene evidencije za Sanela Ibrišimovića, sačinjen od strane Prve policijske uprave, PS Bihać, Odsjek kriminalističke policije, broj 05-04/07-1-3350/25 od 10.6.2025. godine.

#### **3. Da se pregleda:**

- Fotodokumentacija PS Bihać, broj 172/25 od 7.5.2025. godine.

### **REZULTATI ISTRAGE**

Rezultati provedene istrage na nesumnjiv način potvrđuju osnovanost ove optužnice tj. da je osumnjičeni Sanel Ibrišimović počinio krivično djelo Oštećenje tuđe stvari iz člana 293 stav 1 Krivičnog zakona Federacije BiH, na način kako je to opisano u dispozitivu optužnice.

Ovi navodi proizlaze iz izjave saslušanih svjedoka, čija izjava se u cjelosti podudara prikupljenim objektivnim dokazima. Osumnjičeni se prilikom ispitivanja na okolnosti izvršenja krivičnog djela koje mu se stavlja na teret branio šutnjom.

Kod ovakvih rezultata istrage nalazim da postoji dovoljno dokaza temeljem kojih je izveden zaključak o postojanju osnovane sumnje da je osumnjičeni Sanel Ibrišimović počinio krivično djelo za koje se ovom optužnicom tereti, zbog čega predlažem da Sudija za prethodno saslušanje naslovnog suda potvrdi ovu optužnicu radi vođenja krivičnog postupka.

### **Dokazi koji potkrepljuju navode optužnice**

1. Zapisnik o ispitivanju osumnjičenog Sanela Ibrišimovića, sačinjen od Prve policijske uprave, Policijska stanica Bihać, Odsjek kriminalističke policije broj 05-04/07-1-1-1302/25 od 23.9.2025. godine,
2. Zapisnik o saslušanju svjedoka Huseina Midžića, sačinjen od Prve policijske uprave, Policijska stanica Bihać, Odsjek kriminalističke policije broj 05-04/07-1-1-748/25 od 3.6.2025. godine,
3. Zapisnik o saslušanju svjedoka Damira Ibukića, sačinjen od Prve policijske uprave, Policijska stanica Bihać, Odsjek kriminalističke policije broj 05-04/07-1-1-807/25 od 12.6.2025. godine,
4. Dokazi naznačeni pod tačkom 2 i 3 prijedloga dokaza optužnice.

Kantonalni tužilac  
Snježana Kovanušić